



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam cœnæ Domini. Ode Dicolos Distrophos. LII.

urn:nbn:de:hbz:466:1-44973

60 HUMANAE SALVTIS

Principem, non vt quibus intumentum
Folle ventosum vitiosa pectus
Vrget, infestis populo, cupido
Ambitioque.

His potestatum specie superba
Arrogat laudes metus, atque honores,
Multa mentitos male blandientis
Munera linguæ.

Huic sed aternos meruere plausus
Dona doctrinæ memorata diuæ,
Arque morosis medicina prasens
Addita morbis.

Vidimus castos pueros canoro, ac
Virgines Regem coluisse versu,
Et salutarem meminisse, & alto ex
Aethere missum.

Quin & infonteis oleæ virentis
Pacis auctori pia turba frondes
Spargit, & vestes properat, cupitque
Sternere eunti.

Nam probat sanctum potiusque dignum
Euehi iunctis humeris colentum,
Quem Deus terris iubet esse regem,
Pontificemque.

SALVTIS PROPOSITIO.

Christum sponte tibi venientem suscipe mitem,
Si non suscipias, experiere grauem.

REGI LEGITIMO DECLARATIO.

In tabulam cœnæ Domini.

Ode Dicolos Distrophos. LII

EXspectata diu, sibi
Arque optata noui ex orbis origine
Cœnæ ad fercula mysticæ
Conuiuas homines sollicitat Deus;
Quales agmina calitum,
Si possint, epulas inuideant viris,
Admirata minoribus
Grato munifici consilio Patris

Tantum

MONUMENTA.

61

Tantum terrigenis decus
 Et deducta polo munera porrigi.
 Nam quæ ritibus annuis
 Abrami soboles feita peregerant,
 Contestata iugum graue, &
 Depulso dominos, & miserum metum,
 Euasique maris diem,
 Extinctasque minas fluctibus impias;
 Veris nunc eadem modis
 Instaurata nouat, qui patris integrum
 Consors imperium tenet,
 Qui vitam proprio numine sufficit,
 Defectumque animat genus.
 Hic sese gregibus dum esurientium,
 Arcani specie latens
 Panis, suppeditat; dumque rubentia
 Vini pocula sanguine
 Occulto at proprio præbet auentibus,
 Quicquid mentibus improbus
 Ac membris coluber subdiderat mali,
 Et quam scire malum petens,
 Mater perniciem fuderat inuido
 Fatalique nepotibus
 Pomo, visceribus corrigit intimis;
 Et lethi remouet iugum,
 Et dat posse bonis perpetuis frui.

CELATVM SECVLIS ARCANVM.

Has epulas, queis vita Dei, queis munera Christi
 Concilianur, ames, si sapias; vt capias.

DEI BENIGNITATI ADMIRANDAE S.

In tabulam Christi ad victimam vltro oblari.

Ode Tricolos Tetraſtrophos. LIII.

QVI solus omnes immeritus luat
 Noxas parentum, & crimina posterum,
 Nunc agnus orbi postulatus,
 Ipse animam iugulumque præbet.
 Namque antè priscis ritibus hostiæ,
 Quæcunque cultros imbuerant sacros,
 Nec crimen expedire nostrum,
 Nec poterant mala dimouere:

Noa